

書名 杜氏通典二百卷 嘉靖十八年西樵方獻夫刊本
 撰者 唐 杜佑 撰，明 王德益、吳鵬 同校
 卷 卷十一
 內容分類 史·政書·歷代通制
 索書號 貴重-17
 編號 B3510400

卷十一



彩色首頁1

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿博士
 太樂署 鼓吹署 兩京郊社署
 太卜 廩犧 汾祠 太醫署

光祿卿 丞良醞署主簿掌醢署
 太官署 珍羞署

衛尉卿 丞守宮署主簿武庫署
 武器署 左右都候

宗正卿 丞諸陵署主簿崇玄署

太僕卿 丞典牧署主簿乘黃署
 典廄署

大理卿 丞司直評事監獄丞

諸卿 附少卿

諸卿 附少卿

第 三 册
No. 4008
東京大学東洋文化研究所

0 1 2 3 4 5 6 7 8 9 5

不 許 複 製
NOT TO BE REPRODUCED
東京大学東洋文化研究所



杜氏通典卷第十一

食貨十一

一鬻爵

權酷

平律

均輸附

鬻爵

漢後魏

後漢

大唐

晉

漢孝文時晁錯說上曰欲人務農在於貴粟貴粟之道在於使人以粟為賞罰今募天下入粟縣官得以拜爵得以除罪如此富人有爵農人有錢粟有所洩洩散也夫能入粟以受爵皆有餘以供上用則貧人先列反之賦可損所謂以有餘補不足令出而人利者也順於人心所補者三一日主用足二日民賦少三日勸農功爵者上之所擅出於口而無窮粟者人之所種生於地而不乏夫得高爵與免罪人之所甚欲也使

天下入粟於邊以受爵免罪不過三歲塞下之粟必
多矣於是從錯言令人入粟邊六百石爵上造第二等爵
稍增至四千石為五大夫第九等爵萬二千石為大庶長
第十八等爵各以多少級數為差錯復奏言陛下幸使天
下入粟塞下以拜爵甚大惠也竊恐塞卒之食不足
用大洩天下粟邊食足支五歲可令人入粟郡縣矣諸
郡縣以備凶災足支一歲以上可時赦勿收農人租如此德
澤加於萬人矣從之孝景時上郡以西旱復修賣爵
令而裁其價以招人裁謂減省及徒役作得輸粟於縣官
以除罪孝武元朔元年外事四夷內興功利國用空
竭乃募人能入奴婢以終身復為郎增秩及入羊馬

為郎始於此五年有司議令人得買爵及贖禁固免

減罪請置賞官名曰武功爵茂陵書中有武功爵一級曰造士二級曰閑輿

衛三級曰良士四級曰元戎士五級曰官首六級曰

乘鐸七級曰千夫八級曰樂卿九級曰執戎十級曰

政戾庶長十一級曰軍衛此武帝所制以寵軍功也

顏師古云此下云級十七萬凡直四十餘萬金所引

茂陵書止十一級則計數不足與本級十七萬凡直

三十餘萬金請買武功爵官首者試補吏先除千夫

如五大夫五大夫舊二十等爵之第九級也至此以

功十一等爵之第七也亦得免役其有罪又減二等

爵得至樂卿樂卿者武功爵第八以崇軍功軍功多
用超大等者封侯卿大夫小者郎吏吏道雜而多端
然官職耗廢矣元鼎初豪富皆爭匿財不助縣官唯

卜式數求入財天子乃超拜式爲中郎賜爵左庶長
田十頃告天下以風百姓始令吏得入粟補官郎至
六百石後桑弘羊請令民得入粟補官及罪人贖令
民能入粟甘泉各有差以復終身所患又言世家子
弟富人或鬪雞走狗弋獵博戲亂齊民乃徵諸犯令
相引數千人名曰株送徒入財者得補郎○後漢孝
安永初三年天下水旱用度不足三公奏請令吏人
入穀得關內侯靈帝懸鴻都之榜開賣官之路公卿
以降悉有等差廷尉崔烈入錢五百萬以買司徒其
子鈞曰大人不當爲三公論者嫌其銅臭則刺史二
千石遷除皆責助理官室錢大都至二三千萬錢不

畢至自殺羊續爲太尉時拜三公者輸東園禮錢千
萬令中使督之名爲左騶其所往輒迎致禮厚加贈
賂續乃坐使人於單席上舉緼袍以示之○晉武帝
太康三年問劉毅曰卿以吾可方漢何主也對曰桓
靈之主帝曰吾雖德不及古人猶克已爲理南平吳
會一同天下方之桓靈不亦甚乎對曰桓靈賣官錢
入官庫陛下賣官錢入私門以此言之乃不如也○
後魏明帝孝宣二年初承喪亂之後倉廩虛罄遂班
入粟之制輸粟八千碩賞散侯六千碩散伯四千碩
散子三千碩散男職人輸七百碩賞一大階授以實
官白人輸五百碩聽依第出身千碩加一大階諸沙

門有輸粟四千碩入京倉者授本州統各有差○大
唐至德二年七月宣諭使侍御史鄭叔清奏丞前諸
使下詔納錢物多給空名告身雖假以官賞其忠義
猶未盡才能今皆量文武才藝兼情願穩便據條格
擬同申奏聞便寫告身諸道士女道士僧尼如納錢
請准勅迴授餘人并情願還俗授官勲邑號等亦聽
如無人迴授及不願還俗者准法不合畜奴婢田宅
資財既助國納錢不可更拘常格其所有資財能率
十分納三分助國餘七分並任終身自廢身歿之後
亦任迴與近親又准勅納錢百千文與明經出身如
曾受業粗通帖策脩身慎行鄉曲所知者量減二十

千文如先經舉送到省落第灼然有憑帖策不甚寥
落者減五十千文若粗識文字者准元勅處分未曾
讀學不識文字者加三十千應授職事官并勲階號
及贈官等有合蔭子孫者如戶內無蔭丁中三人以
上免課役者加一百千文每加一丁中累加三十千
文其商賈准令所在收稅如能據所有資財十分納
四助軍者便與終身優復如於勅條外有悉以家產
助國嘉其竭誠待以非次如先出身及官資並量資
歷好惡各據本條格例節級優加擬授如七十以情
願授致仕官者每色內量十分減二分錢時屬幽寇
內侮天下
多虞軍用不克權
為此制詩即停罷

榷酤 漢 陳 隋 大 唐

漢孝武天漢三年初榷酒酤韋昭曰以木渡水曰榷

如道路木為榷者獨取利顏師古曰榷者步渡橋爾

雅謂之石杠今之畧約是也禁閉其事總入官而下

無由以得若渡孝昭始元末丞相車千秋奏罷酒酤

賣酒斗四錢孝元時賈捐之上書曰昔孝文時天下

人賦四十丁男三年而一事今天下人賦數百造鹽

鐵榷酒之利以佐用度猶不能足而人困矣王莽時

羲和曾康言名山大澤鹽鐵錢布帛五均賒貸幹在

縣官幹謂王領之音管唯酒酤獨未幹酒者天之美祿帝王

所以願養天下享祀祈福扶衰養疾百禮之會非酒

不行故詩曰亡酒酤我酤買也言王於族人恩厚要

在燕飲無酒則買而飲之也

論語云酤酒市脯不食二者非相反也夫詩據承平

之代酒酤在官和旨使人可以相御也旨美也論語

孔子當周衰亂酒酤在人薄惡不誠是以疑而弗食

今絕天下之酒無以行禮相養放而無限則費財傷

人請法古今官作酒以二千五百石為一均率開一

壚以賣壚賣酒之區也以其一邊月譬五十釀為準

一釀用粗米二斛麴一斛得成酒六斛六斗各以其

市月朔米麴三斛并計其價而參分之參以其一為

酒一斛之平除米麴本價計其利而什分之以其七

入官其三及糟馱灰炭馱酢漿也給公器薪樵之費

而人愈怨。陳文帝天嘉中虞荔等以國用不足奏

請榷酤從之。○隋文帝開皇三年罷酒坊與百姓共之。○大唐廣德二年十二月勅天下州各量定酤酒戶隨月納稅除此外不問官私一切禁斷大曆六年二月量定三等逐月稅錢並克布絹進奉建中三年制禁人酤酒官司置店自酤收利以助軍費

竿緡漢晉宋齊梁陳

漢孝武元狩四年自作皮幣鑄白金後商賈以幣之變多積貨逐利於是公卿言商賈滋眾貧者蓄積無有皆仰縣官異時竿輶車賈人緡錢皆有差請竿如故緡絲也以貫錢一貫千錢出二十為竿也詩云維絲伊緡輶小車諸賈人末作貫貫賈也詩云維絲伊緡輶小車及商以取利者雖無

市籍各以其物自占占隱度也各隱度其財物多少而為名簿送之於官也占音之

及率緡錢二千而算一者則出一竿也諸作有租及

鑄以手力所率緡錢四千算一非吏比者三老北邊

騎士輶車一竿北例也身非為吏之例非為三老非為北邊騎士而有輶車皆令出一竿

也商賈人輶車二算商賈人有輶車又使船五丈以

上一算匿不自占占不悉戍邊一歲沒入緡錢悉盡也

有能告者以其半畀之有不輸稅者令人得告以半與之也天子既下

緡錢令而尊下式百姓終莫分財佐縣官於是楊可

告緡徧天下楊可人姓名按義從傳云時楊可方受告緡徧天下告緡總以為此亂人部吏捕其為可使

者楊可據令而發動之故天下皆被告也商賈居積及工巧之家非桑農所出謂之緡茂陵中書有緡田

如中家以上大抵皆遇告憲司理之獄少反者是也

緡獄少有反者反乃分遣御史廷尉正監分曹音幡謂從輕而出分曹

為使也往往即理郡國緡錢就其所在而理也得民財物以

億計奴婢以千萬數田大縣數百頃小縣百餘頃宅

亦如之於是商賈中家以上大抵破人偷甘食好衣

不事蓄藏之產業而縣官以鹽鐵緡錢之故用少饒

矣初大農管鹽鐵官布多置水衡欲以主鹽鐵及楊

可居告緡上林財物衆乃令水衡主上林上林既克

滿益廣乃分緡錢諸官而水衡少府大農太僕各置

農往往即郡縣比没入田田之即就也此謂比者没入也其没入

奴婢分諸苑養狗馬禽獸及與諸官官益雜置多謂

置官員徒奴婢衆而下河漕度四百萬石及官自雜

乃是其後令吏得人粟補官及罪人贖入粟甘泉不

復告緡罪自過江至于梁陳凡貨賣奴婢馬牛田宅

有文券率錢一萬輸估四百入官賣者三百買者一

百無文券者隨物所堪亦百文收四名為散估歷宋

齊梁陳如此亦為常以人競商販不為田業故使均

輸欲為懲勵雖以此為辭其實利在侵削此亦筆

雜稅漢後漢宋齊後魏北齊後周隋大唐

漢高帝十一年令諸侯常以十月朝獻及郡各以其

口數率人歲六十三錢以給獻費孝武元光六年冬

初算商車始稅商賈船車令出算也太初四年冬行回中徒弘農

都尉理武關稅出入者以給官吏卒食孝昭元鳳六

年令郡國無歛今年馬口錢往時有馬口出歛錢今省之武帝時租及六畜
 宣帝時耿壽昌奏請增海租三倍天子從其計御史大夫蕭望之奏言故御史屬徐宮御史大夫屬也家在東萊言往年加海租魚不出長老皆言武帝時縣官常自漁海魚不出後復與民魚乃出夫陰陽之感物類相應萬事盡然宜且如故上不聽王莽令諸取鳥獸魚鼈百蟲於山林水澤及畜牧者嬪婦桑蠶織紵紡績補縫工匠醫巫卜祝及他方技商販賈人坐肆列里區謁舍區謁舍若客館皆各自占所為於其在所之縣官除其本計其利十一分之二而以其一為貢末年盜賊群起匈奴侵寇大募天下囚徒人名曰猪突豨勇一切

稅吏人貲三十而取一。後漢靈帝時南京災中常侍

張讓趙忠等說帝令歛天下稅甲錢以治宮室蜀李

推薄賦其人口出錢四十文邑人請賦為寶因為名焉寶之名舊矣其賦錢四十則始於季雄也

宋元嘉二十七年後魏南侵軍旅大起用度不克王

公妃主及朝士牧守各獻金帛等物以助國用下及

富室小人亦有獻私財數十萬者楊南徐充江四州

富有之家貲滿五十萬僧尼滿二十萬者並四分借

一過此率計事息即還。齊武帝時王敬則為東揚

州刺史在今會稽郡也以會稽邊帶湖海人無士庶皆保塘

陂敬則以功力有餘悉課歛為錢以送臺庫帝納之

竟陵王子良上表曰臣忝會稽粗閑物俗塘下所上

本不入官良由陂湖宜壅橋路須通均夫訂陀頂直人自為用若甲分毀壞則年一脩改乙限堅完則終歲無役今乃通課此直悉以還臺租賦之外更生一調致令塘路崩蕪湖源洩散害人損政實此為劇建元初軍用殷廣浙東五郡丁稅一千乃質賣妻子以充此限所逋尚多尋蒙蠲原而此年租課三分逋一明知徒足擾人實自弊國愚謂課塘丁一條宜還復舊自東晉至陳西有石頭津東有方山津各置津主一人賦曹一人直水五人以檢察禁物及亡叛者菘炭魚薪之類小津者並十分稅一以入官淮水北有大市百餘小市十餘所備置官司稅歛既重時其苦

之○後魏明帝時昌二年稅市入者人一錢其店舍又為五等收稅有差○北齊黃門侍郎顏之推奏請立關市邸店之稅開府鄧長顓贊成之後主大說於是以其所入以供御府聲色之費軍國之用不在此焉稅僧尼令曰僧尼坐受供養游食四方損害不少雖有薄歛何足為也○後周閔帝初除市門稅及宣帝即位復興入市之稅每人一錢○隋文帝登庸又除入市之稅○大唐開元十八年御史大夫李朝隱奏請薄百姓一年稅錢克本依舊令高戶及典正等捉隨月收利將供官人料錢自天寶末年盜賊奔突所在屯師用度不足於是遣御史康雲間出江淮陶銳往蜀漢豪商富戶皆籍其家資所有財貨畜產或

五分納一謂之率貸所收巨萬計蓋權時之宜其後諸道節度使觀察使多率稅商賈以充軍資雜用或於津濟要路及市肆間交易之處計錢至一千以上皆以分數稅之自是商旅無利多失業矣上元中勅江淮堰塘商旅牽船過處準斛納錢謂之埭程大曆初諸州府應稅青苗錢每畝十文克百司工力資課三年十月十六日臺司奏緣兵馬未散百司支計不給每畝更加五文 貞元九年制天

下出茶州商人販者十分稅一

平準 均輸附 周 漢 後漢

周制司市掌市之理教政刑量度禁令鄭玄曰量豆

度丈以次叙分地而經市次謂吏所治舍思次介次

也經以陳肆辨物而平市陳猶列也辨物物異

令禁物靡而均市物靡者易售而無用禁之以商賈

阜貨而行市通物曰商居賣以量度成賈前徵價



價買也物有定價以質劑結信而止訟質劑謂兩書

若今下手書保物要還矣大以賈人禁偽而除詐賈

胥師賈師之屬也必以賈人以泉府同貨而歛賒同

也同者謂人貨不售則為歛而大市日及而市百族

為主朝市朝時而市商賈為主夕市夕時而市販夫

販婦為主及日昧也市者雜聚之處言主者謂其多

市販夫販婦朝資夕賣因其便而凡理市之貨賄六

畜珍異亡者使有利者使阜害者使亡靡者使微利

於人謂物實厚者也害於人謂物行苦者也使有

使阜起其賈以徵之也使亡使微抑其賈以却之也

以重節出入之重即印章如今以檢封矣使人執之

內貨賄者邦國凶荒札喪則市無征而作布泉矣有災
國之司市也害物貴市不可以稅為人乏困也金凡市偽飾之禁
銅無凶年因物貴大鑄錢以饒人凡市偽飾之禁

在人者十有二在商者十有二在賈者十有二在工
者十有二鄭玄曰王制云用器不中度兵車不中度
布帛精粗不中數幅之廣狹不中量姦色

亂正色五穀不時果實未熟木不中伐禽獸魚鼈不
中殺皆不鬻於市亦其類也於四十八則未聞焉
凡天憲禁貴儻者使有恒賈恒常也謂若貯穀米棺
木而睹久雨而有疫病

者也貴賈之因災害厄人四時之珍異亦如之薦宗
使之重困故令有常賈也

物○漢武帝征伐四夷國用空竭興利之官自此始
也桑弘羊為大農中丞管諸會計事稍稍置均輸以

通貨物矣謂諸當所輸於官者皆令輸其土地所饒
平其所在時價官更於他處賣之輸者既
便而官有利漢書百官表大司徒屬有平準令元封元年弘羊為治粟都尉

領大農盡管天下鹽鐵以諸官各自市相與爭物以
故騰躍而天下賦輸或不償其餽費乃請置大農部

丞數十人分部主郡國各往往置均輸鹽鐵官令遠
方各以其物如異時商賈所轉販者為賦而相權輸

置平準于京師都受天下委輸召工官理軍器皆仰
給大農大農諸官盡籠天下之貨物貴則賣之賤則

買之如此富商大賈無所牟大利牟取也即反本而萬
物不得騰踊故抑天下之物名曰平準天子以為然

而許之時南越初置郡數反發南方吏卒往誅之間
歲萬餘人帝數行幸所過賞賜用帛百餘萬匹錢金

以萬計皆取足大農諸均輸一歲之中帛得五百萬

匹人不益賦而天下用饒孝昭卽位霍光輔政令郡國舉賢良文學之士使丞相御史相與語人疾苦文學曰理人之道防淫佚之原廣教道之端抑末利而開仁義無示以利然後教化可興風俗可移也今郡國有均輸與人爭利散敦厚之樸成貪鄙之行是以百姓就本寡而趨末衆夫末脩則入侈本脩則入懿懿則財用足侈則饑寒生願罷均輸以進本退末大夫曰匈奴背叛數爲寇暴備之則勞中國不備則侵盜不止先帝哀邊人之疾苦爲虜所俘乃脩障塞飾烽燧屯戍以備之邊用不足故置均輸蓄貨長財以助邊費今議者欲罷之是內空府庫之藏外乏執備

之用罷之不便夫國有沃野之饒而人不足於食者器械不備也有山海之貨而人不足於財者商工不備也隴西之丹砂毛羽荆揚之皮革骨象江南之枏梓竹箭燕齊之魚鹽氈裘充荆河之漆絲絺紵養生奉終之具也待商而通待工而成故聖人作爲舟楫之用以通川谷服牛駕馬以達陵陸致遠窮深所以交庶物而便百姓也文學曰有國有家者不患貧而患不安故天子不言多少諸侯不言利害大夫不言得失蓄仁義以風之勵德行以化之是以近者親附遠者說德王者行仁政無敵於天下惡用費哉夫道人以德則人歸厚示人以利則人俗薄俗薄則背義

而趨利趨利則百姓交於道而接於市夫排困市井
防塞利門而民猶為非况上為之利乎傳曰諸侯好
利則大夫鄙大夫鄙則士貪士貪則庶人盜是開利
孔為人罪梯也夫古之賦稅於人也因其所工不求
其拙農人納其穫工女効其織今釋其所有責其所
無百姓賤賣貨物以便上求間者郡國或令作布絮
吏恣留難與之為市吏之所入非獨濟陶之縑蜀漢
之布也亦人間之所為耳行姦賣平農人重苦女工
再稅未見輸之均也縣官猥法闔門擅市則萬人並
收並收則物騰踊騰踊則商賈牟利自市則吏容姦
豪吏富商積貨儲物以待其急輕賈姦吏收賤以取

貴未見準之平也蓋古之均輸所以齊勞逸而便貢
輸非以為利而賈物也大夫曰往者郡國諸侯各以
其物貢輸往來煩難物多苦惡不償其費故郡置輸
官以相給運而便遠方之貢故曰均輸開委府于京
師以籠貨物賤則買貴則賣是以縣官不失實商賈
無所牟利故命曰平準準平則民不失職均輸則人
不勞故平準均輸所以平萬物而便百姓也古之立
國家者開本末之塗通有無之用故易曰通其變使
人不倦故工不出則農用之商不出則寶貨絕農用
乏則穀不殖寶貨絕則財用匱故均輸所以通委財
而周緩急是以先帝開均輸以足人財王者塞人財

禁關市執準守時以輕重御人豐年則貯積以備乏
絕凶年歲儉則行幣物流有餘而拯不足戰士或不
得祿今山東被災賴均輸之蓄倉庫之積戰士以奉
饑人以賑故均輸之蓄非所以賈萬人而專奉兵師
之用亦所以振困乏而備水旱也古之聖賢理家非
一室富國非一道理家養生必於農則舜不甄陶而
伊尹不為庖故善為國者以末易本以虛易實今山
澤之材均輸之藏所以御輕重而役諸侯也司馬遷
曰夫山西饒林竹谷纒旄玉石谷纒紆屬可以為布旄屬之屬纒音盧
山東多魚鹽蒸絲聲色江南多柎梓薑桂金錫連音
鉛之末丹沙犀象瑇瑁珠璣齒革龍門碣石北多馬

牛羊旃裘筋角銅鐵則千里往往山出異珍此其大
較也皆中國人之所喜好謹俗被服飲食奉生送死
之具也故待農而食之虞而出之工而成之商而通
之此寧有政教發徵期會哉人各任其能竭其力以
得所欲故物賤之徵貴貴之徵賤各勸其業樂其事
若水之趨下日夜無休時不召而自來不求而人出
之豈非道之符符謂合於道也而自然之驗耶周書曰農不
出則乏其食工不出則乏其事商不出則三瑤絕虞
不出則財匱少而山澤不辟矣此四者人所衣食之
原也原大則饒原小則鮮鮮則富家貧貧富之道莫
之奪予巧者有饒拙者不足也越王勾踐用范蠡計

然計然蠡計然曰知關則修備時用則知物二者形師文字計然曰知關則修備時用則知物二者形則萬貨之情可得而觀已故歲在金穰水毀木饑火旱旱則資車水則資舟物之理也六歲一穰六歲一饑夫糶二十病農九十病末末病則財不出農病則草不闢矣上不過八十下不減三十則農末俱利平糶齊物關市不乏理國之道也論其有餘不足則知貴賤貴上極則反賤賤下極則反貴貴出如糞土賤取如珠玉財幣欲其行如流水魏文侯時李悝務盡地而白圭樂觀時變故人棄我取人取我與夫歲熟取穀與之絲漆繭出取帛絮與之食率歲倍欲長錢取下穀長碩斗取上種薄飲食忍嗜欲節衣服與用

事僮僕同苦樂趨時若猛獸鷙鳥之發故曰吾理生產猶伊尹呂尚之謀國孫吳之用兵商鞅之行法也自源雍以東至河華膏壤沃野千里自虞夏之貢以為上田而公劉適邠大王王季在岐文王作鄠武王都鎬故其人猶有先王之遺風好稼穡殖五穀及秦文繆居雍音却地居隴蜀之關要故曰隴陰為要路之間隴蜀之貨物而多賈獻孝徒櫟邑左馮翊北鄰戎翟東通三晉武昭理咸陽因以漢都長安諸陵四方輻輳並至而會地小人眾故其人益玩巧而事末南則巴蜀巴蜀亦沃野也饒卮薑丹沙石銅鐵卅都出銅竹木之噐南御滇僂滿北棘僮西近印笮右各笮馬旄牛然四塞棧道千

里無所不通唯褒斜縮轂其口在漢中以所多易所鮮

天水隴西北地上郡與關中同俗然西有羌中之利

北有戎狄之畜牧為天下饒然地亦窮險唯京師要

其道故關中地於天下三分之一而人眾不過什三

然量其富什居其六昔唐人都河東堯都晉陽也殷人都

河內周人都河南夫三河在天下之中若鼎足王者

所更居也建國各數百千歲土地小民人眾都國諸

侯所聚會故其俗纖儉習事揚平陽揚及平陽在趙之西陳西

賈秦翟北賈種代石北石北縣在常北地邊胡數被寇人矜

慎仗慎音與仗音之致反今好氣任俠為姦不事農

商然迫近北夷師旅亟往中國委輸時有奇羨其人

羯羗不均羯九竭反羗音倪皆健羊也自全晉之時已患其儻抄

反悍而武靈王益厲之其謠俗猶趙之風也諺曰百

里不販樵千里不販糴居之一歲種之以穀十歲樹

之以木一生脩之以德德者人物之謂也今有無秩

祿之奉爵邑之入而樂與之比者命曰素封封者食

租稅歲率戶二百戶之君則二十萬朝覲聘享出

其中庶民農工商賈率亦歲萬息二千百萬之家即

二十萬而更絲租賦出其中衣食之欲恣所好美矣

故曰陸地牧馬二百蹄五十匹牛千蹄角百六十七頭

以此千足羊二百五頭澤中千足羝水居千石魚陂以魚

兩為山車千章之款款水所以為安邑千樹棗燕秦

千樹栗蜀漢江陵千樹橘淮北榮山南河濟之間千
 樹萩陳夏千畝漆齊魯千畝桑麻汧渭川千畝竹及
 名國萬家之城帶郭千畝畝鍾之田六斛若十畝卮
 茜音商其花染千畦薑韭千畦二十五畝此其人皆與
 千戶侯等然是富給之資也不窺市井不行異邑坐
 而待收身有處士之義而取給焉若至家貧親老妻
 子更弱歲時無以祭祀進醪渠畧反徐廣飲食被服
 不足以自通如此不慙耻則無所比矣是以無財作
 力少有鬪智既饒爭時此其大經也今理生不危身
 取給則賢人勉焉是故本富為上末富次之茲富最
 下無巖處奇士之行而長貧賤好語仁義亦足羞也

凡編戶之人富相什則卑下之伯則畏憚之千則役
 萬則僕物之理也夫用貧求富農不如工工不如商
 刺繡文不如倚市門此言末業貧者之資也通邑大
 都酤一歲千釀醢醬千瓠長頸甕也漿十甌甌金也屠牛
 羊彘千皮糴千鍾薪藁千車船長千丈木千章漢書音義
曰洪洞方章材也舊將作竹竿萬箇其軛車百乘車馬
大匠掌材者曰章曹椽也也牛車千兩木器徐廣曰音者千枚銅器千鈞二
斤為素木鐵器若卮茜千石石百二十斤馬蹄噉千
噉音口牛千足羊彘千隻僮手指千僮奴婢古者無
別為馬牛蹄角也筋角丹沙千斤其帛絮細布千
 鈞文采千匹荅布皮革千石荅音土台反漆千斗蘖

麴鹽豉干荅或作合器名有譏孫叔敖云合此斤

鯨音台鮒鮒音受斗六升合為龕也魚鮒千斤音自泚反鮒鮒千鈞無音在棗栗千石者三之狐貂

裘千皮羔羊裘千石旃席千具它果菜千種子貸金

錢千貫節駟會駟音祖則反駟會也會亦會也節

物貴賤也謂除估會利比於千乘之家會賈三之廉賈五之賈故得利少而十得三廉賈

貴乃賣賤乃買故十得五此亦比千乘之家其大率也吳楚七國

兵起時長安中列侯封君行從軍旅齎貸子錢子錢

家以為侯邑國在關東關東成敗未決莫肯與唯無

鹽氏出捐千金貸其息什之三月吳楚平一歲之中

則無鹽氏息什倍用此富埒關中宿商大賈大底盡

諸田田嗇田蘭韋家粟氏安陵杜杜氏安陵及杜二各有杜也

亦已萬此其章章尤異者也皆非有爵邑俸祿弄法

犯姦而富也盡推理去就與時俯仰獲其贏利以末

致財用本守之以武一切用文持之變化有概故足

術也若至力農畜工虞商賈為權利以成富不可勝

數夫織嗇筋力理生之正道也而富者必用其奇勝

田農拙業也而秦楊以蓋一州掘塚姦事也而曲叔

以起博戲惡業也而稽發用之富行賈丈夫賤行也

而雍樂成以饒販脂辱處也而雍伯千金雍一作翁賣醬

小業也而張氏千萬洒削薄伎也理刀而鄧氏鼎食

胃脯簡微也而濁氏連騎馬醫淺方也而張理擊鍾

此皆誠一之所致也由是觀之富無經業則貨無常

主能者輻輳不肖者瓦解千金之家比一都之君巨

萬乃與王者同樂豈所謂素封者耶非也王莽篡位

國師公劉歆言周有泉府之官收不售與欲得言賣

者官為收取之無而欲得者官出與之易所謂理財正辭禁人為非者

也莽乃下詔曰夫周禮有餘貸周禮泉府之職曰凡

喪紀無過三月民之貸者與其有司辦而授之以國

服為之息謂人以祭祀喪紀之從官賒買物不過旬

日及三月而償之其從官貸物者共其所屬吏定價

而後與之各以其國於服事之稅而輪息也謂若受

園廛之田而貸萬錢者一用之樂語五均樂語樂元

月出息五百也貸音土待反王所傳道五均事披其文天子取諸侯之二以立五

均則市無二價四時常均強者不得困弱富者不得

要貧則公家有餘傳記各有幹者幹音管也今開賒貸張

五均設諸幹者所以齊眾庶抑兼并也遂於長安及

五都立五均官更名長安東西市令及雒陽邯鄲臨

淄宛成都邯鄲故趙郡今廣平郡縣臨淄故齊郡今

五都市長皆為五均司市東市稱京西市稱畿今

也龜有靈也皆自占司市錢府順時氣而取之各以其

錢府也占音之諸司市常以四仲月實定所掌

為物上中下之價各自用為其市平無拘他所眾人

買賣五穀布帛絲綿衣物用於人用而不售者均官

有以考檢其實用其本價取之無令折錢萬物即貴

過平一錢平物價起也則以平價賣與人其價低賤

減平者聽人自相與市以防貴庾者庾積也以防人積物待貴也

人欲祭祀喪紀而無用者錢府以所入工商之貢但

賒之但空也空賒與之不取利息祭祀無過旬喪紀無過三月

人或乏絕欲貸以理產業者均受之除其費計所得

受息無過歲什一均謂各依先後之次也除其費謂衣食之費已用者義和置

命士督五均六幹郡有數人皆用富賈雒陽薛子仲

張長督臨淄姓偉等姓名也乘傳求利交錯天下因

與郡縣通姦多張空簿簿計也府藏不實百姓愈病莽

人苦之復下詔曰夫鹽食穀之將為食穀酒百藥之將帥

長嘉會之好鐵田農之本名山大澤饒衍之藏五

貨百姓所取平仰以給贍仰音牛向反錢布銅冶通

行有無備人用也此六者非編戶齊人所能家作必

仰於市雖貴數倍不得不買富人富賈即要貧弱先

聖知其然也故幹之每一幹為設科條防禁犯者罪

至死姦吏猾人並侵衆庶各不安生○後漢章帝時

尚書張林上言宜自交趾益州上計吏來市珍瑤收

採其利武帝所謂均輸也謂租賦并雇運之直官總取而官轉輸於京故曰均

輸詔議之尚書僕射朱暉奏曰按王制天子不言有

無諸侯不言多少食祿之家不與百姓爭利今均輸

之法與實取無異鹽利歸官則下人窮然布帛為租

則利吏姦盜誠非明主所當宜行帝不從其後用度

益奢

杜氏通典卷第十一終

杜氏通典卷第十二

食貨十二

輕重 平糴常平義倉 周 戰國 漢 後漢 晉 宋 齊 後魏 北齊 後周 隋 大唐

太公為周立九府園法解在錢幣篇太公退又行之于齊

至管仲相桓公通輕重之權曰歲有凶穰故穀有貴

賤令有緩急故物有輕重上令急於求米則民重米 緩於求米則民輕米所緩

則賤所 急則貴人君不理則畜費游於市謂賈人之 多畜積也乘民之

不給百倍其本矣給足也 以 十取百故萬乘之國必有萬金

之賈千乘之國必有千金之賈者利有所并也國多

失利則臣不盡忠士不盡死矣計本量委則足矣積

也然而民有饑餓者穀有所藏也謂富人 多 藏穀也民有餘